

## REGLUR

### félagsheimilis Staðarhrepps.

#### 1. gr.

Nafn félagsheimilisins er Melsgil í Staðarhreppi, Skagafjarðarsýslu.

Lóðin er leigð af Jóni Sigurðssyni, Reynistað.

Lóðarstærð: ca. 4000 m<sup>2</sup>. Takmörk hins leigða lands eru að norðan: Skagfirðingabraut, að vestan og suðvestan lína frá Skagfirðingabraut, suður á bakkabrún við gamlan árfarveg Staðarár, svo sem núverandi vírnetsgirðing segir til um, að sunnan ræður bakkabrún áður greinds árfarvegur og að austan ræður Staðará.

Eigendur félagsheimilisins eru: Staðarhreppur, Ungmennafélagið Æskan og Kvenfélag Staðarhrepps.

#### 2. gr.

Húsnefnd, kjörin árlega, stjórnar félagsheimilinu. Hún er þannig skipuð: Einn frá Staðarhreppi, einn frá Ungmennafélaginu Æskan og einn frá Kvenfélagi Staðarhrepps.

Varamenn skulu kjörnir á sama hátt.

Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni gerðabækur þess til vörzlu.

#### 3. gr.

Húsnefnd heldur fund, er þurfa þykir. Skylt er henni að halda fund, ef  $\frac{1}{3}$  nefndarmanna æskja.

Aðalfundur eigenda félagsheimilis skal vera ár hvert. Skulu þangað kvaddir með hæfilegum fyrirvara stjórnendur allra þeirra féлага, sem eru eigendur félagsheimilisins. Á fundinum skal húsnefndin leggja fram rekstrar- og efnahagsreikning félagsheimilisins fyrir síðastliðið ár, endurskoðaða af endurskoðendum sveitarsjóðsreikninga eða löggiltum endurskoðanda. Einnig leggur hún fyrir fundinn fjárhagsáætlun fyrir félagsheimilið á yfirstandandi ári.

Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað.

Reikninga og fjárhagsáætlun skal bera undir atkvæði fundarmanna. Húsnefndarmenn hafa hver um sig eitt atkvæði á aðalfundi og hver félagsstjórn þrjú atkvæði.

Félagsstjórnir skýra frá því á aðalfundi, hvern þær hafa valið af sinni hálfu í húsnefnd næsta ár. Aðalfundur kýs síðan oddamann ef með þarf, sbr. 2. gr.

Afrit af ársreikningum félagsheimilisins skal senda félagsheimilasjóði.

Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

#### 4. gr.

Aðalverkefni húsnefndar eru:

- a. að ráða húsvörð, ef þess er þörf að dómi aðalfundar, setja honum starfsreglur og sjá um, að þeim sé fylgt;
- b. að ráða annað starfsfólk, ef aðalfundur telur nauðsynlegt. Leita skal umsagnar húsvardar um ráðningu starfsfólks, sem á að vinna undir hans stjórn;
- c. að ráðstafa félagsheimilinu til afnota fyrir eigendur og aðra;
- d. að ákveða gjöld fyrir afnot hússins;
- e. að annast kaup nauðsynlegra tækja og áhalda;

- f. að sjá um viðhald og endurbætur húseignar, húsbúnaðar og áhalda;
- g. að sjá um, að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;
- h. að sjá um, að húsið sé hæfilega hitað og lýst;
- i. að sjá um, að löggæzla sé á samkomum, ef þess er þörf.

#### 5. gr.

Eigendur félagsheimilisins skulu eins og aðrir greiða leigu fyrir afnot hússins. Skyllt er þeim að heimila félögum, er greinir í 1. gr. laga nr. 47 1957, um félagsheimili, innan sama byggðarlags afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á afnotum af félagsheimili, sker fræðslumálastjóri úr. Úrskurði hans má skjóta til menntamálaráðuneytisins.

#### 6. gr.

Leiga fyrir afnot félagsheimilisins skal ákveðin svo há, að nægilegt fé fái til þess að inna af höndum nauðsynleg gjöld, ef stofnuninni koma eigi aðrar tekjur.

#### 7. gr.

Þess skal gætt, að húseignir, áhöld, húsbúnaður allur og fatnaður sé jafnan hæfilega váttryggt.

#### 8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða eigi við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

#### 9. gr.

Að lokinni hverri notkun félagsheimilisins, skal húsvörður eða húsnefnd sjá um ræstingu þess, þ. á m. að gólf séu þvegin úr sápuvatni, salerni hreinsuð vandlega með sótthreinsandi efni og fatageymslur, bað- og búningsherbergi ræst.

Árlega skal fram fara gagnger ræsting alls hússins.

#### 10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri, gripheldri girðingu, er haldið sé vel við.

Hestagirðing og/eða bifreiðastæði skal vera í námunda við félagsheimilið, ef því verður við komið.

#### 11. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að nota einungis fána með réttum litum og hlutföllum.

#### 12. gr.

Árlega skal athuga húseignina alla vandlega með viðgerð fyrir augum. Einkum skal athuga: múrhúðun, þak, þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, hreinlætistæki, eldavél og hitunartæki, raflagnir og ljósataeki, vatnslögn og krana, gluggatjöld, leiksviðstjöld, gólf í samkomusal o. s. frv.

## 13. gr.

Skemmdir á húseign, áhöldum og húsbúnaði umfram eðlilegt slit, skulu þeir bæta, er spjöllum valda.

## 14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

## 15. gr.

Reglur þessar eru settar með skírskotun til 8. gr. l. nr. 47/1957, um félagsheimili, og öðlast þegar gildi.

*Menntamálaráðuneytið, 19. ágúst 1964.*

**Gylfi Þ. Gíslason.**

*Knútur Hallsson.*

**REGLUGERÐ****fyrir Sundlaug Akureyrar.**

## 1. gr.

Sundlaug Akureyrar er eign Akureyrarkaupstaðar. Sundlaugin skal rekin sem sérstakt fyrirtæki samkvæmt reglugerð þessari.

## 2. gr.

Ípróttaráð Akureyrar fer með stjórn sundlaugarinnar ásamt forstöðumanni hennar í umboði bæjarstjórnar Akureyrar, sem hefur með höndum yfirstjórn laugarinnar.

## 3. gr.

Ípróttaráð gerir tillögur til bæjarstjórnar um rekstrarfyrirkomulag laugarinnar, s. s. starfstíma og starfsmannahald, þ. á m. ráðningu forstöðumanns og annarra fastra starfsmanna og gefur út erindisbréf fyrir starfsmenn laugarinnar.

## 4. gr.

Ípróttaráð gerir tillögur til bæjarstjórnar um gjaldskrá fyrir afnot laugarinnar: aðgang að almennum sundtímum og gufubaðstofu, aðgang að mótum og sýningum, fyrir sundæfingar skóla og félaga, fyrir leigu á baðfötum og handklæðum.

Ípróttaráð skal fyrir nóvemberlok ár hvert hafa samið og sent bæjarráði áætlun um tekjur og gjöld laugarinnar á komandi ári, þar sem m. a. er áætlaður rekstrarstyrkur bæjarsjóðs.

## 5. gr.

Ípróttaráð tekur ákvarðanir um mæriháttar viðhald laugarinnar og tækja-kaup. Ráðið setur reglur um umgengni baðgesta.

## 6. gr.

Forstöðumaður sundlaugarinnar sér um daglegan rekstur hennar. Hann ákveður vaktaskipun og vinnutilhögun í samráði við ípróttaráð. Hann ræður starfsfólk til að leysa af í sumarleyfum og forföllum í samráði við ípróttaráð. Hann fylgist með, að hlýtt sé reglum um umgengni baðgesta og að starfsfólk gegni störfum sínum samkvæmt ráðningarsamningum, reglum og fyrirmælum.